

Headline	TH serah zakat RM5.63 juta		
MediaTitle	Utusan Malaysia		
Date	17 Apr 2015	Color	Full Color
Section	Dlm Negeri	Circulation	178,211
Page No	27	Readership	534,633
Language	Malay	ArticleSize	173 cm <sup>2</sup>
Journalist	N/A	AdValue	RM 3,419
Frequency	Daily	PR Value	RM 10,258



## TH serah zakat RM5.63 juta

**PUTRAJAYA 16 April** - Lembaga Tabung Haji (Tabung Haji) menyerahkan zakat perniagaan berjumlah RM5.63 juta bagi tahun kewangan 2014 kepada Pusat Pungutan Zakat Wilayah Persekutuan di sini, semalam.

Zakat tersebut disampaikan oleh Pengarah Urusan Kumpulan dan Ketua Pegawai Eksekutif Tabung Haji, Tan Sri Ismee Ismail kepada Pengerusi Pusat Pungutan Zakat Majlis Agama Islam Wilayah Persekutuan (PPZ-MAIWP), Datuk Che Mat Che Ali.

Penyerahan wang zakat itu turut disaksikan oleh Menteri di Jabatan Perdana Menteri, Datuk Seri Jamil Khir Baharom dan Ketua Pengarah Jabatan Kemajuan Islam Malaysia (Jakim), Datuk Othman Mustapha.

Dalam pada itu, Tabung Haji dalam kenyataannya memak-

lumkan, pembayaran zakat bagi Wilayah Persekutuan mencatatkan peningkatan sebanyak 11.6 peratus berbanding RM5,044,962.84 pada tahun sebelumnya.

“Jumlah keseluruhan zakat perniagaan Tabung Haji untuk tahun kewangan lalu yang akan dibayar kepada pusat-pusat pungutan zakat di semua negeri adalah bernilai RM49.87 juta berbanding RM46.29 juta pada tahun lalu.

“Peningkatan jumlah keseluruhan pembayaran zakat ini sejajar dengan prestasi dan pencapaian keseluruhan TH yang memberangsangkan pada tahun lalu,” jelas kenyataan itu.

Katanya, Wilayah Persekutuan merupakan negeri kesembilan dalam siri jelajah penyerahan zakat perniagaan Tabung Haji tahun ini.



**ISMEE ISMAIL (kiri)** menyerahkan zakat perniagaan Tabung Haji kepada **Che Mat Che Ali (dua kanan)** sambil disaksikan oleh **Jamil Khir Baharom (dua kiri)** dan **Othman Mustapha di Kuala Lumpur semalam.**